

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-97/12
Vareš, 26.04. 2012. godine

Z A P I S N I K
s 37. sjednice Općinskog vijeća Vareš,
održane 29.03. 2012. godine

Josip Malbašić – predsjedavajući Općinskog vijeća Vareš, otvorio je 37. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ivan Lučić, Josip Malbašić, Mario Mirčić, Majda Muftić, Nihad Parić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Ešref Likić i Željko Matić.

Pored vijećnika sjednici prisustvuju: Općinski načelnik - Hamdo Fatić, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, šef Odsjeka za finansije – Boro Anđić ispred Službe za prostorno uređenje i obnovu – Mevla Alić i Nermin Aščerija, ispred Službe za opću upravu – Maja Ajanović, predsjednici političkih stranaka, predsjednik MZ Vareš- Enver Fetišević i predstavnici OSCE Terenski ured Zenica Johanna Kisielak i Nihad Gavranović.

Sekretar Općinskog vijeća izvijestio je Vijeće o realizaciji Zaključaka s 36. sjednice OV održane 29.02.2012. godine i dostavljenim odgovorima na vijećnička pitanja. Općinsko vijeće na 36. sjednici donijelo je 4 Zaključka. Od tog broja 2 Zaključka su realizovana a 2 Zaključka su u toku realizacije. Na 36. sjednici OV postavljeno je 7 vijećničkih pitanja. Na 5 vijećničkih pitanja nadležni su podnosiocima dostavili odgovor u pisanoj formi a na 2 postavljena vijećnička pitanja, Stručna služba OV i ON nije dobila pismene odgovore.

Općinski načelnik Hamdo Fatić u okviru aktuelne problematike na području općine Vareš, izvijestio je Vijeće da su tenderi za dva puta u toku. (projekti GAP-a). Tender za put Daštansko-Višnjići je također u toku. Ubrzo će se pristupiti izboru najpovoljnijeg izvođača. Mostovi koji će se raditi u MZ Duboštica su već izabrani, ali još je u toku žalbeni rok. Za taj projekat još nisu obezbijeđena sredstva vlastitog učešća, pokušat će se preko ODRAZ-a i taj problem riješiti.

Predsjedavajući OV pozvao je vijećnike koji nisu zadovoljni sa dobivenim odgovorom na vijećnička pitanja ili imaju dopunska pitanja, da se izjasne.

Vijećnik Elvir Rožajac, izjasnio se da je na postavljena dva (2) vijećnička pitanja na prošloj sjednici OV, dobio odgovor od Službe za prostorno uređenje i obnovu u kome je navedeno da su njegova pitanja proslijeđena JKP d.o.o. Vareš. Traži da JKP d.o.o. Vareš odgovori na ista.

(*Vijećnička pitanja*)

Elvir Rožajac

1. Traži od Općinskog načelnika da na osnovu dogovora sa 45. sjednice Kolegija OV, upozna Vijeće koga je kontaktirao u vezi liječenja stanovnika općine Vareš u Kliničkom centru Sarajevo?
2. Kada će se konačno odrediti firma koja će preuzeti uličnu rasvjetu u gradu? Pitanje upućeno Općinskom načelniku.

Tajiba Brkić

3. Da li se može u Vareš Majdanu oprati plato gdje je autobusko stajalište i da li se mogu očistiti lokalni putevi od odrona, jer to predstavlja veliku opasnost za vozače?

Mato Pavić

4. Kada će se napokon dobiti ulična rasvjeta na Selištu? Pitanje upućeno Općinskom načelniku.
5. Što je poduzeto po pitanju obilježavanja prometnica? (Navodi problem kod tunela i na raskrsnici u Šiminom potoku)? Pitanje upućeno Općinskom načelniku i nadležnoj službi.

Džemo Kevrić

6. Da li će se krenuti sa sanacijom puteva na čitavoj teritoriji općine Vareš, posebno na makadamskom dijelu? Traži da se sanacija puteva radi kvalitetno.

Jasmin Salketić

7. Pitanje se odnosi na menadžment JKP d.o.o. Vareš. Kada će JKP d.o.o. Vareš prestati slati račune građanima MZ Dabravine za naplatu vode, jer svi znamo da oni ne upravljaju i ne gazduju tim vodovodom?

Ismet Abdulahović

8. Tko će snijeti posljedice za sporove koje gubi JKP d.o.o. Vareš na Općinskom sudu u Visokom i da li ima načina da se upozori menadžment firme JKP d.o.o. Vareš da prestane sa tuživanjem ljudi, jer nema nikakvog osnova za utuživanje istih. Moli nadležne u Vijeću i Općinskog načelnika da na vrijeme poduzmu mjere, da ne bi došlo do troškova koji su (po meni) nepotrebni?

Općinski načelnik usmeno je dao odgovor neka postavljena vijećnička pitanja i to:

- Na pitanje postavljeno na prošloj sjednici OV od strane vijećnika Nihada Parić, koje se odnosi na nagomilani snijeg ispred D blokova, Općinski načelnik je odgovorio da „snijega nema više“.
- Na pitanje postavljeno na prošloj sjednici od strane vijećnika Mate Pavić, koje se odnosi na deblokadu pojedinih sela općine Vareš, Općinski načelnik je dao odgovor „da je deblokada konačno završena“.
- Na postavljeno pitanje vijećnika Elvira Rožajac u vezi liječenja stanovnika općine Vareš u Kliničkom centru Sarajevo, Općinski načelnik je dao odgovor: „Dobio sam informaciju da ugovor još nije potpisan od strane KC Sarajevo (odnosi se na općinu

Olovo). Krenut će se svakako u postupak da i građani općine Vareš dobiju ista prava. Moli da se sačeka da se vidi sudbina građana općine Olovo, da njih ne bi ometali“.

- Na postavljeno pitanje vijećnika Džeme Kevrić u vezi sanacije lokalnih puteva, Općinski načelnik dao je odgovor: „Krenut će se odmah sa sanacijom lokalnih puteva u okviru sredstava koja imamo. U vezi kvaliteta materijala, izjasnio se da je to malo diskutabilno, jer je poznato da je tampon u našoj firmi previše skup i da smo prisiljeni da tampon uzimamo negdje drugo.
- U vezi postavljenih pitanja koja se odnose na probleme u MZ Dabravine, izjasnio se da će sada ostati suzdržan i da vijećnička pitanja idu pismenim putem, a da će se vidjeti šta se može i kako će se to riješiti. Napominje da je materija veoma kompleksna i komplikovana i da u ovom trenutku ne zna kako će se ovo završiti.

Predsjedavajući OV stavio je na raspravu zapisnik sa 36. sjednice OV .

Nije bilo primjedbi i predsjedavajući OV stavio je na izjašnjanje zapisnik sa 36. sjednice OV i nakon izjašnjanja vijećnika konstatovao da je **zapisnik sa 36. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 37. sjednicu OV.

Nije bilo primjedbi niti prijedloga za izmjenu ili dopunu dnevnog reda 37. sjednice OV.

Predsjedavajući OV stavio je na izjašnjanje prijedlog dnevnog reda iz poziva za 37. sjednicu OV i nakon izjašnjanja konstatuje da je **jednoglasno usvojen s l i j e d e ć i**

Dnevni red

1. **Prijedlog budžeta/proračuna općine Vareš za 2012. godinu**
2. **Prijedlog Odluke o izvršenju budžeta/proračuna Općine Vareš za 2012. godinu.**
3. **Izveštaj o radu Jedinstvenog općinskog organa uprave Općine Vareš i Općinskog načelnika za 2011. godinu.**
4. **Prijedlog Odluke o općinskim priznanjima i postupku njihove dodjele.**
5. **Nacrt Odluke o načinu obilježavanja međunarodnih i državnih praznika u Općini Vareš.**
6. **Nacrt Odluke o raspisivanju izbora za članove Savjeta mjesnih zajednica na području općine Vareš.**
7. **Prijedlog Rješenja o dodjeljivanju neizgrađenog građevinskog zemljišta na korištenje radi izgradnje poslovnog objekta-trgovine „ŠIMIĆ-PROM“ d.o.o. Vareš.**
8. **Prijedlog Rješenja o utvrđivanju javnog interesa za potpunu i nepotpunu eksproprijaciju nekretnina za izgradnju turističko-rekreativnog centra „DOLI“ Ravne, općina Vareš.**
9. **Prijedlog Zaključka o usvajanju Izvešća Općinske komisije za procjenu štete od prirodne i druge nesreće.**
10. **Prijedlog Zaključka o davanju saglasnosti za provedbu dijela programskog budžeta za sektor kulture i sporta za 2012. godinu u okviru SLS projekta.**
11. **Prijedlog Zaključka o davanju saglasnosti na:**

- a) Program rekonstrukcije, izgradnje i obnove nerazvrstanih cesta za period od 2011. do 2015. godine
 - b) Program rekonstrukcije, izgradnje i obnove nerazvrstanih cesta za 2012. godinu.
12. Izvještaj o rješavanju upravnih stvari u upravnom postupku svih Općinskih službi za upravu u 2011. godini.
13. Informacija o stanju i podacima usluga koje pruža Centar za pružanje usluga građanima za 2011. godinu.
14. Informacija o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje Vareš.
15. Tekuća pitanja.

Ad. 1.

*(Prijedlog budžeta/proračuna
općine Vareš za 2012. godinu.)*

Predlagač Općinski načelnik upoznao je Vijeće sa izmjenom u prijedlogu budžeta u odnosu na raniji, a vezano za izmjenu stavke "rezerva" u iznosu od 31.000 KM. Iznos od 20.000 KM sa stavke „rezerva“, prebacuje se na puteve, ostalo sve ostaje isto kao u prijedlogu koji je razmatran na ranijoj sjednici OV.

Otvorena je rasprava u kojoj je svoje primjedbe, prijedloge, sugestije i mišljenja iznijeli vijećnici: Džemo Kevrić, Mato Pavić, Nihad Parić i predsjedavajući OV Josip Malbašić.

Predsjedavajući OV, na traženje vijećnika Mate Pavić, dao je pauzu u trajanju od 10 minuta.

Nastavljeno je sa radom i predsjedavajući OV pozvao je predlagača, Općinskog načelnika da se izjasni o iznesenom amandmanu u raspravi predloženom od strane predsjedavajućeg OV koji se odnosi **na povećanje rashodovne strane prijedloga budžeta/proračuna općine Vareš za 2012. godinu u iznosu od oko 100.000 KM, a vezano za ispostavljanje faktura od strane JKP d.o.o. Vareš, za obračunatu razliku između kalkulativnih i trenutnih cijena komunalnih usluga.**

Predlagač Općinski načelnik izjasnio se da ne prihvata predloženi amandman.

Zaključena je rasprava i predsjedavajući OV stavio je na izjašnjanje Prijedlog budžeta/proračuna općine Vareš za 2012. godinu.

Nakon izjašnjanja vijećnika predsjedavajući je konstatovao da sa **9 glasova „ZA“, 8 glasova „PROTIV“ i 2 „SUZDRŽANA“ glasa nije usvojen**

*Budžet/proračun općine
Vareš za 2012. godinu.*

Ad. 2.

*(Prijedlog Odluke o izvršenju
budžeta/proračuna Općine Vareš za 2012. godinu.)*

Ispred predlagača Zihinja Krnjić izjasnio da ovlaštenu predlagač ovu tačku povlači sa dnevnog reda današnje sjednice, jer nije usvojen budžet/proračun Općine Vareš za 2012. godinu. Općinski načelnik će u skladu sa Zakonom donijeti budžet/proračun općine Vareš za 2012. godinu i Rješenje o izvršenju budžeta/proračuna općine Vareš za 2012. godinu.

Predsjedavajući OV konstatovao je da je ovlaštenu predlagač povukao sa dnevnog reda današnje sjednice Prijedlog Odluke o izvršenju budžeta/proračuna općine Vareš za 2012. godinu.

Ad. 3.

*(Izveštaj o radu Jedinственog općinskog organa uprave
Općine Vareš i Općinskog načelnika za 2011. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Nikola Šimić i Elvir Rožajac.

Zaključena je rasprava i predsjedavajući OV stavio je na izjašnjavanje Izveštaj o radu Jedinственog općinskog organa uprave Općine Vareš i Općinskog načelnika za 2011. godinu.

Nakon izjašnjavanja vijećnika predsjedavajući OV je konstatovao da je sa **12 glasova „ZA“ i 7 „SUZDRŽANIH“ glasova usvojen**

*Izveštaj o radu Jedinственog općinskog organa uprave
Općine Vareš i Općinskog načelnika za 2011. godinu.*

Ad. 4.

*(Prijedlog Odluke o općinskim
priznanjima i postupku njihove dodjele.)*

Sekretar OV Leon Pavlović upoznao je Vijeće sa pravno tehničkom ispravkom u prijedlogu Odluke, koja se odnosi na član 3., član 10. i član 14.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o općinskim priznanjima i postupku njihove dodjele.

Nakon izjašnjavanja vijećnika, predsjedavajući OV je konstatovao da je sa **19 glasova „ZA“ usvojena**

*Odluka o općinskim priznanjima
i postupku njihove dodjele.*

Ad.5.

*(Nacrt Odluke o načinu obilježavanja
međunarodnih i državnih praznika u Općini Vareš.)*

Komisija za statutarna pitanja i propise na 29. sjednici održanoj 21.03.2012. godine, jednoglasno je donijela Zaključak:

- **Komisija za statutarna pitanja i propise nema primjedbi na Nacrt Odluke o obilježavanju međunarodnih i državnih praznika u općini Vareš, te predlaže OV da prihvati Nacrt odluke u predloženom tekstu.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV predložio je slijedeći

Zaključak:

- **Utvrđuje se Nacrt Odluke o načinu obilježavanja međunarodnih i državnih praznika u Općini Vareš.**
- **Nacrt Odluke upućuje se na javnu raspravu u trajanju od 30 dana.**
- **Zadužuje se Općinski načelnik i nadležna služba za upravu da provedu javnu raspravu sukladno aktima Općinskog vijeća.**
- **Prijedloge i sugestije s javne rasprave, predlagač će uzeti u razmatranje kod izrade prijedloga Odluke. Po završenoj raspravi, predlagač će sačiniti prijedlog Odluke i Izvješće o sprovedenoj raspravi.**
- **Zaključak stupa na snagu danom donošenja.**

Nakon izjašnjavanja vijećnika, predsjedavajući OV konstatuje da je sa **19 glasova „ZA“ usvojen predloženi Zaključak i**

*Nacrt Odluke o načinu obilježavanja
međunarodnih i državnih praznika u Općini Vareš.*

Ad. 6.

*(Nacrt Odluke o raspisivanju izbora za članove
Savjeta mjesnih zajednica na području općine Vareš.)*

Komisija za statutarna pitanja i propise na 29. sjednici održanoj 21.03.2012. godine, jednoglasno je donijela Zaključak:

- **Komisija za statutarna pitanja i propise sugeriše da se u članu 8. uradi ispravka u smislu da se navede da „Odluka stupa na snagu osmog dana od dana objavljivanja na općinskoj oglasnoj tabli“. Komisija nema drugih primjedbi na Nacrt Odluke o raspisivanju izbora za članove Savjeta mjesnih zajednica na području općine Vareš, te predlaže OV da prihvati Nacrt Odluke u predloženom tekstu.**

Predlagač nije imao potrebu za dodatnim obrazloženjem.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnik Džemo Kevrić, predsjedavajući OV i pomoćnik načelnika Rusmir Berberović koji je odgovorio na neka pitanja postavljena u raspravi i dao dodatna objašnjenja.

Na osnovu diskusije vođene u raspravi i iznesenih prijedloga, ispred predlagača Rusmir Berberović izjasnio se da Nacrt Odluke o raspisivanju izbora za članove Savjeta mjesnih zajednica na području općine Vareš, povlači sa dnevnog reda današnje sjednice.

Predsjedavajući OV je konstatovao da je ovlašteni predlagač povukao sa dnevnog reda današnje sjednice Nacrt Odluke o raspisivanju izbora za članove Savjeta mjesnih zajednica na području općine Vareš.

Ad. 7.

(Prijedlog Rješenja o dodjeljivanju neizgrađenog građevinskog zemljišta na korištenje radi izgradnje poslovnog objekta-trgovine „ŠIMIĆ-PROM“ d.o.o. Vareš.)

Ermin Musa ispred predlagača izvijestio je Vijeće na tehničku grešku u preambuli Prijedloga Rješenja i to: umjesto broja „01-16/12 treba da stoji 01-15/12“, ostali tekst ostaje isti.

Nije bilo rasprave po ovoj tački dnevnog reda i predsjedavajući OV stavio je na izjašnjavaње Prijedlog Rješenja o dodjeljivanju neizgrađenog građevinskog zemljišta na korištenje radi izgradnje poslovnog objekta-trgovine „ŠIMIĆ-PROM“ d.o.o. Vareš.

Nakon izjašnjavaња vijećnika predsjedavajući OV konstatuje da je sa **19 glasova «ZA» usvojeno**

Rješenje o dodjeljivanju neizgrađenog građevinskog zemljišta na korištenje radi izgradnje poslovnog objekta-trgovine „ŠIMIĆ-PROM“ d.o.o. Vareš.

Ad. 8.

(Prijedlog Rješenja o utvrđivanju javnog interesa za potpunu i nepotpunu eksproprijaciju nekretnina za izgradnju turističko -rekreacionog centra „DOLI“ Ravne, općina Vareš.)

Mevla Alić ispred predlagača dala je dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Elvir Rožajac, Jasmin Salketić, i Mevla Alić koja je odgovorila na pitanja postavljena u raspravi.

Zaključena je rasprava i predsjedavajući OV stavio je na izjašnjavaње Prijedlog Rješenja o utvrđivanju javnog interesa za potpunu i nepotpunu eksproprijaciju nekretnina za izgradnju turističko -rekreacionog centra „DOLI“ Ravne, općina Vareš.

Nakon izjašnjavaња vijećnika predsjedavajući OV konstatuje da je sa **19 glasom «ZA» usvojeno**

Rješenje o utvrđivanju javnog interesa za potpunu i nepotpunu eksproprijaciju nekretnina za izgradnju turističko-rekreacionog centra „DOLI“ Ravne, općina Vareš.

Ad. 9.

(Prijedlog Zaključka o usvajanju Izvješća Općinske komisije za procjenu štete od prirodne i druge nesreće.)

Komisija za statutarna pitanja i propise na 29. sjednici održanoj 21.03.2012. godine, jednoglasno je donijela slijedeći

Zaključak:

- **Komisija predlaže da akt ide u formi Zaključka, a ne kao Odluka i koji glasi:**
„Na osnovu člana 31. tačka 1. Uredbe o jedinstvenoj metodologiji za procjenu šteta od prirodnih i drugih nesreća („Službene novine FBiH“, broj: 75/04) a u vezi sa članom 182. i 183. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj 39/03, 22/06 i 43/10) i člana 22. Statuta općine Vareš broj: 01-25/09 od 29.01.2009. godine i broj: 01-15/12 od 30.01.2012. godine, Općinsko vijeće Vareš na ____ . sjednici održanoj ____ . 2012. godine donosi:

Z A K L J U Č A K

I

Usvaja se Izvještaj Općinske komisije za procjenu šteta izazvanih prirodnim nepogodama (snijeg i snježni nanosi), u periodu od 26.01.2012.-17.02.2012. godine, koji čini sastavni dio ovog Zaključka.

II

Zadužuje se Općinski načelnik i Općinski štab civilne zaštite da poduzmu sve neophodne aktivnosti kako bi viši nivoi vlasti (Vlada ZE-DO kantona i Vlada Federacije BiH) odobrila finansijska sredstva potrebna za sanaciju pricinjene štete.

III

Ovaj Zaključak stupa na snagu danom donošenja.“

Željko Franjić ispred predlagača dao je dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Zaključka o usvajanju Izvješća Općinske komisije za procjenu štete od prirodne i druge nesreće.

Nakon izjašnjanja vijećnika predsjedavajući OV konstatuje da sa **19 glasom „ZA“ usvojen**

Zaključak o usvajanju Izvješća Općinske komisije za procjenu štete od prirodne i druge nesreće.

Ad. 10.

(Prijedlog Zaključka o davanju saglasnosti za provedbu dijela programskog budžeta za sektor kulture i sporta za 2012. godinu u okviru SLS projekta .)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Zaključka o davanju saglasnosti za provedbu dijela programskog budžeta za sektor kulture i sporta za 2012. godinu u okviru SLS projekta.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen**

Zaključak o davanju saglasnosti za provedbu dijela programskog budžeta za sektor kulture i sporta za 2012. godinu u okviru SLS projekta.

Ad. 11.

(Prijedlog Zaključka o davanju saglasnosti na:

- a) Program rekonstrukcije, izgradnje i obnove nerazvrstanih cesta za period od 2011. do 2015. godine*
- b) Program rekonstrukcije, izgradnje i obnove nerazvrstanih cesta za 2012. godinu..)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Nikola Šimić, Džemo Kevrić i Ermin Musa koji je dao dodatno obrazloženje i odgovorio na neka pitanja postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove nerazvrstanih cesta za period od 2011. do 2015. godine.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen**

Zaključak o davanju saglasnosti na Program rekonstrukcije, izgradnje i obnove nerazvrstanih cesta za period od 2011. do 2015. godine.

Predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove nerazvrstanih cesta za 2012. godinu.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen**

Zaključak o davanju saglasnosti na Program rekonstrukcije, izgradnje i obnove nerazvrstanih cesta za 2012. godinu.

Ad. 12.

(Izveštaj o rješavanju upravnih stvari u upravnom postupku svih Općinskih službi za upravu u 2011. godini .)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o rješavanju upravnih stvari u upravnom postupku svih Općinskih službi za upravu u 2011. godini.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen**

Izveštaj o rješavanju upravnih stvari u upravnom postupku svih Općinskih službi za upravu u 2011. godini.

Ad. 13.

(Informacija o stanju i podacima koje pruža Centar za pružanje usluga građanima za 2011. godinu.)

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o stanju i podacima koje pruža Centar za pružanje usluga građanima za 2011. godinu.

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojena**

Informacija o stanju i podacima koje pruža Centar za pružanje usluga građanima za 2011. godinu.

Ad. 14.

(Informacija o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje.)

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Ismet Abdulahović, Elvir Rožajac, Džemo Kevrić, Nikola Šimić, Tajiba Brkić i pomoćnik načelnika Zihinja Krnjić koji je odgovorio na neka postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Informaciju o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje i predloženi Zaključak u raspravi iznesen od vijećnika Ismeta Abdulahović i to:

Zaključak

- **Obavezuje se nadležna služba da za narednu sjednicu Vijeća dostavi dopunu Informacije o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje Vareš, a vezano za podatke koje su firme na području općine Vareš dobile poticaj, za koji broj radnika i da li su ispoštovani ugovori.**

Nakon izjašnjavanja vijećnika predsjedavajući OV konstatuje da je sa **19 glasova „ZA“ usvojen predloženi Zaključak i**

Informacija o u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje Vareš.

Ad. 15.

(Tekuća pitanja.)

1. Predsjedavajući OV upoznao je prisutne o dostavi fakture za obračunatu razliku između kalkulativnih i trenutnih cijena komunalnih usluga za mjesec februar 2012. godine, od strane JKP d.o.o. Vareš. Faktura je dostavljena i za mjesec januar 2012. godine. Napominje da se Vijeće o ovome treba izjasniti

Otvorena je rasprava u kojoj je Općinski načelnik izvijestio Vijeće da nema planiranih sredstava u budžetu za plaćanje spomenutih računa i da će po isteku od tri mjeseca predložiti novu odluku o regulisanju komunalnih cijena. Pomoći će Menadžmentu JKP d.o.o. Vareš u traženju posla i da ne vidi drugo rješenje. Moli da u tom pravcu ide prijedlog njegovog zaključka.

Predsjedavajući OV napomenuo je Općinskom načelniku da je prijedlog u suprotnosti sa članom 19. Zakona o komunalnim djelatnostima ZE-DO kantona.

U raspravi su učestvovali i vijećnici: Kenan Kamenjaš, Ivan Lučić, Dženana Bešić, Mato Pavić, Ismet Abdulahović, Elvir Rožajac, Nihad Parić i Jelena Zlobec.

Općinski načelnik javio se za riječ i izjavio, da se danas ne može ništa predložiti i u vezi s tim predložio slijedeći

Zaključak:

- **Obavezuje se Općinski načelnik da u narednih 15 (petnaest) dana organizuje sastanak na kome će biti prisutni Kolegij OV, Menadžment, Skupština i Nadzorni odbor JKP d.o.o. Vareš, a u vezi ispostavljanja fakture za obračunatu razliku između kalkulativnih i trenutnih cijena komunalnih usluga, koje JKP d.o.o. Vareš ispostavlja Općinskom vijeću Vareš . Na sjednici koja će se održati u aprilu mjesecu, Općinski načelnik će upoznati Vijeće o rezultatima i dogovorima sa sastanka.**

Zaključena je rasprava i predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **11 glasova „ZA“, 1 glasom „PROTIV“ i 7 „SUZDRŽANIH“ glasova usvojen predloženi Zaključak.**

2. Predsjedavajući OV podsjetio je Vijeće na Zaključak kojim su zaduženi Općinski načelnik i predsjedavajući OV da se pismeno obrate na više adresa i upozore nadležne na način dodjele poslova od strane kantonalnog preduzeća JP ŠPD d.o.o. Zavidovići. Izvijestio je Vijeće, da je Kantonalno ministarstvo za poljoprivredu, šumarstvo i vodoprivredu odgovorilo na dopis.
3. Predsjedavajući OV upoznao je prisutne da je Općinskom vijeću Vareš upućen dopis od strane Porezne uprave – Kantonalni porezni ured Zenica – Poreska ispostava Vareš, a u vezi usklađivanja Odluka o niskoakumulativnim i deficitarnim djelatnostima sa Zakonom o porezu na dohodak.

Zihinja Krnjić pomoćnik načelnika izvijestio je da će izmjena navedene odluke, Vijeću biti dostavljena na razmatranje na sjednici koja će se održati u aprilu mjesecu tekuće godine.

4. Predsjedavajući OV upoznao je prisutne da je Općinskom vijeću Vareš i Općinskom načelniku upućen dopis od strane OO SDA Vareš, a u vezi prijedloga za prodaju poslovnog prostora, koji se nalazi u ul. Zvijezda G bloku – aneks (ranije korišten kao prostor Matičnog ureda, sa prostorom koji koristi Udruženje pčelara Vareš).

U raspravi su učestvovali Općinski načelnik i vijećnik Džemo Kevrić kao član Predsjedništva Udruženja pčelara Vareš.

Predsjedavajući OV je na osnovu izlaganja Općinskog načelnika predložio slijedeći

Zaključak:

- **Obavezuje se Općinski načelnik da u skladu sa iskazanim interesima, sprovede zakonsku proceduru u vezi javnog natječaja za prodaju poslovnog prostora, ul. Zvijezda G blok aneks. (bivši prostor Matičnog ureda i prostor koji koristi Udruženje pčelara Vareš).**

Nakon izjašnjavanja vijećnika, predsjedavajući OV konstatuje da je predloženi **zaključak jednoglasno usvojen.**

5. Predsjedavajući OV upoznao je prisutne da je Općinskom vijeću i Općinskom načelniku upućen dopis od strane MZ Vareš, a u vezi Inicijative za mogućnost liječenja građana Vareša kroz Klinički centar Sarajevo.

Otvorena je rasprava u kojoj su učestvovali vijećnici: Dženana Bešić, Elvir Rožajac, Jelena Zlobec, Općinski načelnik i predsjedavajući OV.

Zaključena je rasprava i predsjedavajući OV, na osnovu vođene diskusije u raspravi predložio je slijedeći

Zaključak:

- **Obavezuje se Općinski načelnik da na osnovu dopisa iz MZ Vareš, uputi pismo nadležnim u Vladi FBiH, Vladi ZE-DO kantona i Federalnom i Kantonalnom ministarstvu zdravstva, sa zahtjevom da se omogući i građanima općine Vareš liječenje u zdravstvenim ustanovama na području Sarajeva i na području FBiH.**

Nakon izjašnjavanja vijećnika, predsjedavajući OV konstatuje da je sa **18 glasova „ZA“ usvojen predloženi Zaključak.**

6. Predsjedavajući OV upoznao je prisutne da je Općinskom vijeću i Općinskom načelniku upućen dopis od strane MZ Striježevo i MZ Kokošćići, općina Vareš, a u vezi sanacije lokalnog puta Striježevo - Kokošćići.

Općinski načelnik obratio se Vijeću i izjavio da će odmah izdati nalog da se sanira lokalni put Striježevo-Kokošćići.

7. Predsjedavajući OV upoznao je prisutne da je Općinskom vijeću upućen dopis od strane Savjeta MZ Dabravine, a u vezi izdavanja potvrde o provedbi ponovnog postupka koji je proveo načelnik općine Vareš po presudi Kantonalnog suda u Zenici broj: 04 0 U 003221 11 U od 25.04.2012. godine, koja se odnosi na davanje mjesnog vodovoda MZ Dabravine na upravljanje i korištenje JKP d.o.o. Vareš.

U raspravi su učestvovali Ermin Musa pomoćnik načelnika i predsjedavajući OV koji je predložio slijedeći

Zaključak:

- **Obavezuje se sekretar OV da MZ Dabravine, općina Vareš dostavi izvod iz zapisnika sa 35. sjednice OV na kojoj je Vijeće vodilo raspravu o Prijedlogu Odluke o povjeravanju na upravljanje i korištenja vodovoda pitke vode za MZ Dabravine sa izvorišta „Tatarin“ Javnom komunalnom preduzeću d.o.o. Vareš. Obavezuje se Općinski načelnik i nadležna Služba da MZ Dabravine dostavi dopis o pokrenutim aktivnostima o provedbi postupka koji je provodio Općinski načelnik po presudi Kantonalnog suda u Zenici broj. 04 0 U 003221 11 U od 25.04.2012. godine.**

Nakon izjašnjavanja vijećnika, predsjedavajući OV konstatuje da je sa **17 glasova „ZA“ usvojen predloženi Zaključak.**

8. Vijećnik Mato Pavić je izjavio da put za Radoševiče još nije prohodan za mala vozila. U ime dijela građana naselja Selište skrenuo je pažnju na probleme koji se odnose na: otpad u naselju (postavljeno je samo šest kontejnera za otpad), pranje ulica, rasvjetu koje nema već godinu dana, otpad koji je ostao poslije radova na potpornom zidu. Sugerirao da se o ovim problemima povede računa.

Predsjedavajući OV u vezi izlaganja vijećnika Mate Pavić, konstatovao je da se od Općinskog načelnika očekuje da putem komunalno-građevinskog inspektora, upozna JKP d.o.o. Vareš da na Selištu nedostaje kontejnera za odvoz smeća i da će u okviru proljetnog spremanja izvršiti pranje ulice Selište, i svih ulica u gradu, što je Programom gradske higijene i predviđeno.

Predsjedavajući OV je u ime Općinskog vijeća i u svoje lično ime, svim Kršćanima čestitao nadolazeće Uskrsne i Vaskrsne blagdane.

Sjednica je završena u 13 sati i 30 minuta.

SEKRETAR

Leon Pavlović

PREDSJEDAVAJUĆI

Josip Malbašić

ZAPISNIČAR

Azra Ibrahimović